

Oqaasiliortut ataatsimiinnerat sisamangorneq 20.09.2018 nal. 10-12.00, Ilimmarfiup atuagaateqarfiata ataatsimiittarfiani

Peqataasut:

Oqaasiliortut: Mariia Simonsen, Knud Møller, Angunnguaq Karlsen aamma Juaaka Lyberth

Oqaasileriffimmit: Katti Frederiksen

Mette Larsen Lyberth suliffimminut atatillugu angalagami peqataangilaq.

Oqaluuserisat:

1. Oqaluuserisassat akuerineqarnerat.

Oqaluuserisassat akuerineqarput.

2. Imaqarniliap akuerineqarnera.

Juunip 20-anni 2018-imi ataatsimiinnermit imaqarniliap akuerineqarpoq.

3. Oqaasiliortunut ilaasortaq nutaaq pillugu ataasiakkaarluni ilisaritinneq pivoq.

Angunnguaq Karlsen Nunatta Atuagaateqarfianiit Naalakkersuisunut innersuussaavoq, Juana Petrussen, upernaag tunuartoq, taarserlugu ilaasortanngorpoq. Angunnguaq Karlsen Ilinniartitaanermik Aqutsisoqarfiup Ilinniusiorfittaani sulisuuvoq.

4. Siulittaasumit Oqaasileriffimmiillu ilisimatitsissutit ilaasortanut apuunneqarput.


Oqaasileriffimmit sulisoqarneq suliallu assigiinngitsut pillugit ilisimatitsisoqarpoq.

5. Aternik akuersineq.

Aternik aalajangiiffisassaqaangilaq, taamaattorli aqqit akuersissutigineqarsimasut kingullit ilisimatitsissutigineqarput, tassaasut *Asasaq*, niviarsiaqqat atiattut, kiisalu *Sinni*, nukappiaqqat niviarsiaqqallu atiattut.

6. Aalajangiiffissat allat:

Taaguutiniq suliaqarnerup pitsanngorsarneqarnissaanut tunngasut Siumup kiisalu Inuit Ataqtigiit Inatsisartunut aalajangiiffisassatut siunnersuutaat Oqaasiliortut oqaluuseraat.




Oqaasiliortut saaffiginnissutit pineqartut pillugit naatsumik akissusiussallutik isumaqatigiissutigaat, siullermilli akissusiornerminni erseqqissarneqartariaqarsoraat maanna Oqaasileriffimmi pissutsit (sulisoqarnikkut aningaasaqarnikkullu) qanoq ittuunerat. Oqaasiliortut taaguusersuuserinermi suliat tamakkiinerusumik ataavartumillu ingerlanneqarnissaasa maannamit pitsaanerusumik sinaakkutaqartinneqarnissaat ujartrpaat, taamaaliortoqassappallu Oqaasileriffimmi minnerpaamik sulisumik immikkut taaguutilerisoqalernissaa, tassa qitiusumik pisortatigoortumillu ataqatigiissaarisussaqaalernissaa, piviusunngortinneqartariaqartoq oqaatigaat. Maanna oqaaserpassuit katersaataareersut iluamik siunertanut aalajangersimasunut naapertuuttumik ineriartortinneqarsinnaangornissaat atorfinitsitsinikkut aningaasaliinikkullu aatsaat iluamik ingerlanneqarsinnaalissapput. IA-p aalajangiiffigisassatut siunnersuutaani inatsiseqarnikkut taaguutit eqqartorneqarput, inatsisilerinerli immi siammaseqimmat Oqaasiliortut erseqqissarneqartariaqarsoraat inatsisilerinermi suliaqarfiit sordiaat saaffiginnissummi pineqarnersut. Qulaani nassuiaatigineqartut tunngavigalugit taaguutilerinerimik ineriartortitsineq pillugu naliliisoqarnissaa Oqaasiliortut tikilluaqqaat, aammali politikereit saaffiginnillutik nassuiaanneqarnissaminnik pisariaqartitsissagaluarunik tikilluaqquneqartut erseqqissaatigalugu.

7. Suliat allat pillugit ilisimatitsineq.

Oqaasiliortut periusissiaanni maanna suliarineqartumi suleqatigiit oqaasertaliussassatut siunnersuutigisimasaat imaalillugit akuersissutigineqarput:

Anguniagassatut takorluukkat (vision)

Oqaasiliortut oqaatsinik katersinermikkut, nalunaarsuinerimikkut ilisimasanillu tunngaveqarlutik nutaalionermikkut innuttaasut suliffeqarfiillu oqaatsinik atuinerat suli pitsaanerulersissavaat nukittorsarlugillu.



Naammasserusutat (mission)

Oqaasiliortut kalaallit oqaasii ataavartissavaat, siuarsarlugit patajaallisarlugillu, siunnersuinikkut, ilitsersuinikkut qaammarsaanikkullu.

8. **Ataatsimiinnissap tulliup ullulerneqarnera.**

Piffissami uani ataatsimiittoqaqqissaaq: 29.okt - 2.nov. 2018

9. **Tamalaat.**

Juaaka Lyberthip Oqaasiliortunit ilaasortaanerminit tunuarniarnini ilisimatitsissutigaa, Kalaallit Atuakkiortullu innersuussassaannik nutaamik nassaruni tunuarniuteqarumaarnini oqaatigalugu.

Oqaasiliortut siulittaasuut

Mariia Simonsen

Oqaasiliortut siulittaasuata tullia

Mette Larsen Lyberth

Oqaasiliortuni ilaasortaq

Juaaka Lyberth

Oqaasiliortuni ilaasortaq

Knud Møller